



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

KENYATAAN MEDIA

YB MENTERI PEMBANGUNAN USAHAWAN DAN KOPERASI BELANJAWAN 2022

Kementerian Pembangunan Usahawan dan Koperasi (MEDAC) menyambut baik pembentangan Belanjawan 2022 oleh YB Menteri Kewangan pada 29 Oktober 2021, kerana memberi perhatian kepada Perusahaan Mikro, Kecil dan Sederhana (PMKS) yang sangat terjejas disebabkan oleh pandemik COVID-19. Belanjawan ini selari dengan usaha Kementerian membantu memulihkan golongan usahawan untuk bangkit semula dalam memperkasakan ekonomi negara.

Penekanan Belanjawan 2022 yang memberi fokus kepada usaha menjana semula ekonomi negara akan memberi impak yang signifikan dalam meningkatkan kesejahteraan dan kemakmuran Keluarga Malaysia. Dalam mengembalikan keupayaan perniagaan, pakej pembiayaan sebanyak RM40 billion ringgit telah disediakan di bawah Program Semarak Niaga Keluarga Malaysia yang merangkumi pinjaman langsung, jaminan pembiayaan dan suntikan ekuiti. Antara insentif yang dapat dimanfaatkan:

- (i) Peruntukan berjumlah **RM4.8 bilion** bagi melaksanakan **Program Peningkatan Kapasiti dan Pembiayaan Perniagaan** yang dilaksanakan oleh **TEKUN**, **PUNB**, dan Dana Kemakmuran Bumiputera;
- (ii) **Potongan cukai dua kali** bagi perbelanjaan operasi **dinaikkan daripada RM300 ribu kepada RM500 ribu** dan dilanjutkan bagi tempoh **5 tahun sehingga 31 Disember 2025** untuk meningkatkan penglibatan syarikat anchor dalam **membangunkan vendor Bumiputera**;
- (iii) Dana pembiayaan **Skim Pembiayaan Usahawan Informal dan Mikro** serta **Skim Pembangunan Usahawan Masyarakat India** oleh **TEKUN**;
- (iv) Dana berjumlah **RM230 juta** bagi melaksanakan program pembiayaan untuk usahawan wanita yang terjejas melalui **Program TEKUNITA** oleh **TEKUN** dan Program **DANANITA** di bawah **MARA**;

- (v) **Program Transformasi Ekonomi Gerakan Koperasi (TRANSFER) berjumlah RM10 juta dan Pembiayaan Intervensi Pemulihan Ekonomi Koperasi berjumlah RM30 juta oleh Suruhanjaya Koperasi Malaysia (SKM);**
- (vi) **Pendanaan melalui pelaburan equiti dan quasi-ekuiti bernilai RM600 juta yang akan diterajui oleh SME Bank dengan kerjasama TERAJU dan BSN;**
- (vii) **Insentif percukaian merangkumi penangguhan ansuran cukai pendapatan, pindaan anggaran cukai pendapatan perniagaan dan potongan cukai khas kepada pemilik bangunan atau ruang perniagaan yang memberikan pengurangan sewa;**
- (viii) **Program latihan dan bimbingan perniagaan dan skim pembiayaan mudah kosong peratus bagi usahawan francais dengan peruntukan berjumlah RM74 juta yang akan dilaksanakan oleh PERNAS.**

Belanjawan 2022 juga memberikan **penekanan kepada pembangunan komuniti Perusahaan Sosial** bagi meningkatkan impak sosial melalui aktiviti perniagaan dalam kalangan komuniti. MEDAC mengalu-alukan pengumuman **pengecualian cukai ke atas sumber pendapatan Perusahaan Sosial** sehingga 3 tahun taksiran dan akan menubuhkan Jawatankuasa Bersama Akreditasi dengan Yayasan Hasanah bagi mengakreditasi Perusahaan Sosial yang berkeelayakan. Selain itu, Kerajaan juga menyediakan peluang kepada Perusahaan Sosial untuk menyertai perolehan Kerajaan melalui **Program Perolehan Impak Sosial Kerajaan** akan diperluaskan di semua Kementerian.

MEDAC berharap supaya dana peruntukan yang disediakan untuk pemulihan dan pembangunan keusahawanan ini dapat dimanfaatkan oleh semua peringkat usahawan. Peruntukan ini memainkan peranan penting dalam memperkasa ekonomi negara ke arah menjadi negara berpendapatan tinggi pada tahun 2025.

Secara keseluruhannya, MEDAC akan memberi komitmen jitu kepada inisiatif yang telah digariskan di bawah perancangan Belanjawan 2022. Ia termasuklah pelaksanaan program/inisiatif di bawah RMKe-12 yang merangkumi bantuan pembiayaan, meningkatkan akses pasaran, memberikan peluang perniagaan dan keusahawanan kepada golongan B40 dan mereka yang hilang pekerjaan serta mendaya upayakan usahawan PMKS melalui adaptasi teknologi dan pendigitalan.

TAN SRI NOH BIN HAJI OMAR